

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Općina Novi Grad Sarajevo**  
**Javna ustanova Osnovna škola „Osman Nuri Hadžić“ Sarajevo**  
**Ulica: Lava Tolstoja broj 6, 71000 Sarajevo**

Na osnovu člana 108. i 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj 27/24), članova 3. i 4. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo,“ broj: 2/18.,32/18 i 30/19)-Pravilnika te Odluke Školskog odbora JU OŠ „Osman Nuri Hadžić“ broj: 01-1313-01-3/17/25od 04.09.2025.godine, JU OŠ „Osman Nuri Hadžić“ raspisuje:

**JAVNI KONKURS**

**Za izbor direktora/direktorice Javne ustanove Osnovna škola „Osman Nuri Hadžić“ Sarajevo**

**I. USLOVI ZA IMENOVANJE DIREKTORA: Pored općih uslova predviđenih Zakonom, kandidat za poziciju direktora/direktorice škole mora ispunjavati i sljedeće uslove iz člana 2. Pravilnika:**

- a)** da u pogledu stručne spreme ispunjava uvjete za radna mjesta nastavnika, pedagoga, pedagoga-psihologa, psihologa škole u kojoj konkuriše;
- b)** da ima najmanje osam godina radnog iskustva, a od toga ukupno najmanje pet godina radnog iskustva na poslovima u nastavi ili na pedagoško-psihološkim poslovima ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa);
- c)** da ima najmanje VII stepen visoke stručne spreme ili najmanje završen II ciklus bolonjskog visokoobrazovnog procesa;
- d)** da ima najmanje stručno zvanje mentora;
- e)** da nije otpušten iz državne službe kao posljedica disciplinske mjere na bilo kojem nivou u BiH, u periodu od tri godine od dana prijavljivanja na javni konkurs;
- f)** da se na njega ne odnosi član IX. stav 1. Ustava Bosne i Hercegovine (lica koja služe kaznu po pravosnažnoj presudi Međunarodnog krivičnog suda za bivšu Jugoslaviju ili da je protiv lica pred ovim sudom podignuta optužnica, a nije se povinovao nalogu da se pojavi pred ovim sudom);
- g)** da nije osuđivano za krivično djelo i privredni prijestup nespojiv sa obavljanjem dužnosti direktora;
- h)** da nema privatni finansijski interes u školi u kojoj se kandiduje za direktora;
- i)** da nije lice koje boluje od zarazne ili duševne bolesti;
- j)** da nije alkoholičar, odnosno ovisnik o opijatima;
- k)** da protiv kandidata nije potvrđena optužnica odnosno izrečena pravosnažna sudska presuda ili mjera za jedno ili više krivičnih djela za koja se prema odredbama važećeg krivičnog zakona može izreći kazna zatvora u trajanju 3 mjeseca i više;

**l)** da nije lice koja ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH i Zakonom o ministarskim, vladinim i drugim imenovanjima Federacije BiH, kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka);

**m)** da nije lice razriješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora;

## **II. SADRŽAJ PRIJAVE**

Kandidati su dužni dostaviti sljedeću dokumentaciju u originalu ili ovjerenu fotokopiju:

1. Svojeručno potpisanu prijavu na Javni konkurs sa tačno navedenim kontakt podacima i traženom konkursnom dokumentacijom u prilogu;
2. Kraća biografija—CV;
3. Izvod iz matične knjige rođenih;
4. Uvjerenje o državljanstvu (ne starije od šest mjeseci od dana objavljivanja Javnog konkursa);
5. Važeća diploma o posjedovanju tražene stručne spreme;
6. Uvjerenje o položenom stručnom ispitu;
7. Rješenje o sticanju višeg stručnog zvanja;
8. Uvjerenje odnosno Potvrda o radnom stažu na poslovima u nastavi ili pedagoško-psihološkim poslovima ili na rukovodnim poslovima u školi (poslovi direktora, pomoćnika direktora ili voditelja dijela nastavnog procesa);
9. Izjava ovjerena od strane nadležnog općinskog organa kojim kandidat potvrđuje da nema smetnje za obavljanje funkcije navedene u tački k) Konkursa;
10. Izjava ovjerena od strane nadležnog općinskog organa kojim kandidat potvrđuje da protiv njega nije potvrđena optužnica ili izrečena pravosnažna presuda kako je navedeno u tački j) Konkursa;
11. Izjava ovjerena od strane nadležnog općinskog organa kojim kandidat potvrđuje da nije obuhvaćen stanjima navedenim u tački i) i j) Konkursa;
12. Izjava ovjerena od strane nadležnog općinskog organa kojim kandidat potvrđuje da nije otpušten iz državne službe kao posljedica disciplinske mjere na bilo kojem nivou u Bosni i Hercegovini, u period od tri godine od dana prijavljivanja na Javni konkurs;
13. Izjava ovjerena od strane nadležnog općinskog organa kojim kandidat potvrđuje da nije obuhvaćen članom IX. stav 1. Ustava Bosne i Hercegovine;
14. Izjava ovjerena od strane nadležnog općinskog organa kojim kandidat potvrđuje da nije osuđivan za krivično djelo i privredni prijestup nespojiv sa obavljanjem dužnosti direktora;
15. Izjava ovjerena od strane nadležnog općinskog organa kojim kandidat potvrđuje da ne posjeduje privatni finansijski interes u školi na čiji konkurs se prijavljuje;
16. Izjava ovjerena od strane nadležnog općinskog organa kojom kandidat potvrđuje da nije razriješeno dužnosti direktora zbog dokazanog kršenja zakona, korupcije, mita, nepotizma,

profesionalne nekompetentnosti ili nemara, nesavjesnog i nestručnog obavljanja poslova direktora.

#### **Napomena za kandidate:**

- Škola će po službenoj dužnosti za izabranog kandidata, a prije njegova imenovanja, pribaviti Uvjerenje da protiv njega nije potvrđena optužnica ili izrečena pravosnažna sudska odluka ili mjera za jedno ili više krivičnih djela za koja se prema odredbama važećeg Krivičnog zakona FBiH može izreći kazna zatvora od tri mjeseca ili više i Uvjerenje da nije osuđivan za krivično djelo i privredni prijestup nespojiv sa obavljanjem dužnosti direktora (ne starije od tri mjeseca).
- Uvjerenje o općoj zdravstvenoj sposobnosti, odnosno ljekarsko uvjerenje koje izdaje nadležna zdravstvena ustanova (ne starije od šest mjeseci), izabrani kandidat dostavlja Školi nakon potpisivanja ugovora.

### **III. KONKURSNI ROK**

- Javni konkurs za izbor direktora odnosno direktorice JU OŠ “Osman Nuri Hadžić” ostaje otvoren 15 (petnaest) dana od dana posljednje objave.
- Javni konkurs objavljen je u dnevnim novinama “Dnevni avaz” dana 15.09.2025.godine kao i na službenoj stranici Ministarstva za odgoj i obrazovanje Kantona Sarajevo.
- Krajnji rok za dostavljanje prijava i prateće dokumentacije je 30.09.2025.godine.

### **IV. PERIOD IMENOVANJA**

Izabrani direktor/direktorica JU OŠ “Osman Nuri Hadžić” Sarajevo imenuje se na period od 4 (četiri) godine.

### **V. NAČIN I ROK OBAVJEŠTAVANJA**

Sukladno članu 10. stav 10. Pravilnika o Školski odbor škole će u roku od 8 (osam) dana od dana donošenja Odluke o imenovanju direktora u pisanom obliku obavijestiti sve kandidate koji su se prijavili na javni konkurs.

### **VI. DOSTAVLJANJE DOKUMENTACIJE**

Sukladno sa članom 4. stavovi 4. i 5. Pravilnika, kandidati koji namjeravaju aplicirati na poziciju direktora mogu potpisanu prijavu sa pratećom dokumentacijom dostaviti preporučeno poštom ili lično dostaviti sekretaru škole u zatvorenoj koverti na adresu: **JU OŠ “Osman Nuri Hadžić” Sarajevo, ulica Lava Tolstoja broj 6., 71000 Sarajevo, sa naznakom “Prijava na javni konkurs za izbor direktora/direktorice škole-ne otvaraj (otvara Komisija)**

**Napomena kandidatima:** Prijave koje su podnesene izvan predviđenog roka smatraju se neblagovremenim i kao takve neće biti razmotrene.

